

Bonnchlár Idirnáisiúnta Choláiste na Tríonóide (IFP)

Fáiltíonn an Comhlacht Rialaithe de chuid Institiúid Oideachais Marino roimh iarratais ó dhaoine atá cáilithe go cuí ar phost mar Léachtóir Cúnta ar Bhonnchlár Idirnáisiúnta Choláiste na Tríonóide.

Léachtóir Cúnta IFP – Staidéar Gnó, Eacnamaíocht, Eolaíocht Pholaitiúil

CUR SÍOS GINEARÁLTA AR AN bPOST Dualgais agus Téarmaí & Coinníollacha Ginearálta Fostaíochta

1 PRÓIFÍL AN IARRTHÓRA AGUS RAON FEIDHME AN PHOIST

Ba mhian le hInstitiúid Oideachais Marino (IOM) Léachtóir Cúnta a cheapadh ar Bhonnchlár Idirnáisiúnta Choláiste na Tríonóide ar bhonn buan, lánaimseartha le héifeacht ó mhí Lúnasa 2024.

Tá Bonnchlár Idirnáisiúnta á thairiscint ag Coláiste na Tríonóide, Baile Átha Cliath, Ollscoil Bhaile Átha Cliath, príomhollscoil na hÉireann, ó mhí Mheán Fómhair 2016 ar aghaidh, bonnchlár a sholáthraítear ar champas Choláiste Comhlachaithe na Tríonóide, Institiúid Oideachais Marino. Soláthraítear leis an mBonnchlár Idirnáisiúnta conair do mhic léinn láidre idirnáisiúnta nach bhfuil cáilithe go hacadúil go fóill chun dul isteach go díreach i gcláir fochéime i gColáiste na Tríonóide agus a bhfuil tacaíocht bhreise de dhíth orthu chun freastal ar na héilimh a bhaineann le staidéar a dhéanamh ar ábhair acadúla ar leibhéal na hOllscoile trí Bhéarla mar an dara teanga. Gheobhaidh mic léinn, a n-éiríonn leo an Bonnchlár Idirnáisiúnta a chríochnú agus a bhainfidh na gráid is cuí amach, áit ar réimse bunchéimeanna sa chéad bhliain i gColáiste na Tríonóide.

Institiúid Oideachais Marino (IOM)

Agus é spreagtha ag fíis na Críostaíochta, pobal teagaisc, foghlama agus taighde is ea IOM atá tiomanta d'ionchuimsiú agus do bharr feabhais san oideachas a chur chun cinn. Is coláiste comhlachaithe de chuid Choláiste na Tríonóide, Baile Átha Cliath, Ollscoil Bhaile Átha Cliath é IOM, agus cuireann sé cláir fochéime agus iarchéime san oideachas ar fáil, lena n-áirítear cláir oideachais thosaigh mhúinteoireachta.

Cáilíochtaí agus Scileanna Bunriachtanacha (i.e. scileanna nach féidir le hiarrthóir an post a dhéanamh gan iad. Ní dhéanfar iarratais a chur ar an ngearrliosta nár léirigh go soiléir go bhfuil na bunriachtanais ag an iarrthóir):

Ionas go measfar iad don phost seo, beidh an méid a leanas ag teastáil ó iarratasóirí:

- Céim chúig tréimh leibhéal, ar leibhéal Máistreacht nó níos airde más féidir.
- Taithí 3 go 5 bliana ar ról comhchosúil agus cuntas teiste cruthaithe maidir le gnóthachtálacha.

Ní mór d'iarrthóirí a léiriú go soiléir ina n-iarratais an dóigh a gcomhlíonann siad gach ceann de na réamhriachtanais seo.

2. CUR SÍOS POIST

An Caidreamh Tuairiscithe

Éilítear ar an gceapaí na dualgais a bhaineann leis an bpost a chur i gcrích, faoi stiúir ginearálta Cheannaire an Chúrsa IFP agus Cheann na Rannóige dá dtuairiscíonn sé/sí, agus dá bhfuil sé/sí freagrach as feidhmiú na ndualgas sin ar an gcéad dul síos. Tuairisceoidh an ceapaí trí Cheannaire an Chúrsa IFP agus trí Cheann na Rannóige d'Uachtarán na hInstitiúide agus/nó dá leithéid d'oifigigh IOM eile a d'fhéadfadh an tUachtarán a ainmniú ó am go ham.

D'fhéadfadh an caidreamh tuairiscithe bheith faoi réir ag athbhreithniú tréimhsiúil, ar aon dul le riachtanais seirbhíse agus le forbairtí san Institiúid.

Dualgais agus Freagrachtaí

Áirítear na nithe seo a leanas leis na dualgais:

Dualgais agus Freagrachtaí a bhaineann go sonrach le Teagasc agus Foghlaim

- Tabhairt faoi dhualgais léachtóireachta/teagasc suas go 22 uair an chloig sa tseachtain

- Scrúduithe bliantúla agus forlíontacha i modúil ar Bhonnchlár Idirnáisiúnta Choláiste na Tríonóide a phleanáil, a theagasc, a scrúdú agus feitheoireacht a dhéanamh orthu
- Meantóireacht a dhéanamh ar mhic léinn IFP chomh maith le comhairle a chur orthu maidir le dul chun cinn acadúil agus dualgais ghaolmhara a chomhlíonadh
- Bheith freagrach as dearbhú cáilíochta maidir le cláir a fhorbraítear laistigh de réimse saineolais

Dualgais agus Freagrachtaí a bhaineann go sonrach leis an Institiúid i gcoitinne

- Páirt a ghlacadh i gcoistí inmheánacha laistigh d’Institiúid Oideachais Marino
- Idirchaidreamh a dhéanamh le comhlachtaí seachtracha ábhartha
- Ionadaíocht a dhéanamh don Institiúid ar choistí seachtracha arna iarraidh sin ag an Uachtarán
- Cur leis na himeachtaí i bhféilire na hInstitiúide amhail seachtain an ionduchtaithe

Ba chóir a thabhairt faoi deara go gcaithfidh an té a cheaptar oibriú mar chuid d’fhoireann. Cé go bhfuil na dualgais a bhaineann leis an bpost sainithe ar an iomlán faoi na ceanteidil éagsúla mar atá liostaithe, ní liosta uileghabhálach é liosta na ndualgas. Éileofar ar an gceapaí feidhmiú ar bhealach solúbtha agus comhghleacúil. Coinníonn IOM an ceart dualgais nua a shannadh.

3. EOLAS MAIDIR LE HIARRATAIS, MAIDIR LEIS AN bPRÓISEAS ROGHNÚCHÁIN AGUS EOLAS GINEARÁLTA EILE.

Modh Roghnúcháin le haghaidh Molta

Déanfar gearrliostú iarratasóirí a bheidh bunaithe ar cháilíochtaí, ar oiriúnacht agus ar thaithí oibre ábhartha an iarratasóra de réir mar atá sonraithe san iarratas. Is é an t-iarratasóir atá freagrach as a chinntiú go gcuirtear faisnéis ábhartha uile san áireamh lena iarratas/hiarratas agus go dtaispeánann sé/sí go soiléir conas a chomhlíonann sé/sí na critéir iarrthóra shonraithe.

Déanfaidh painéal agallaimh an t-agallamh a bheidh comhdhéanta de líon nach lú ná 3 duine, agus cuimseofar na daoine is oiriúnaí agus is cáilithí leis chun iarratasóirí sa

disciplín a mheasúnú. Is é an Comhlacht Rialaithe a dhéanann gach ceapachán fostaíochta ag IOM. Cuirfear moltaí an phainéil agallaimh maidir le hiarratasóirí rathúla a cheapadh do phoist uile faoi bhráid Chomhlacht Rialaithe IOM lena bhreithniú agus lena chinneadh.

Sa chás nach molann an painéal agallaimh ceapadh buan, forchoimeádan an Institiúid an ceart chun iarrthóir oiriúnach a cheapadh, aitheanta tríd an bpróiseas roghnúcháin, don phost ar bonn téarma seasta.

D'fhéadfaí painéal a chruthú óna bhféadfaí ceapacháin ar chonarthaí buanea nó téarma seasta a líonadh le linn shaolré an phainéil. Cuirfear deireadh leis an bpainéal 12 mhí tar éis a dháta foirmithe, is é sin dáta an agallaimh thosaigh. Ní mór d'iarrthóirí fianaise dhoiciméadach shásúil a chur ar fáil ar oiliúint agus ar thaithí uile arna maíomh acu, más gá.

Tréimhse Phromhaidh

Tá an ceapachán faoi réir ag an tréimhse phromhaidh 4 mhí chaighdeánach a chur i gcrích go sásúil. D'fhéadfaí an tréimhse phromhaidh a shíneadh faoi rogha na hInstitiúide ach in aon chás ní mhairfidh sí níos mó ná 6 mhí. Síneadh an tréimhse phromhaidh mar gheall ar neamhláithreachtaí lena linn. Déanfar monatóireacht ar fheidhmíocht agus ar iompar le linn na tréimhse phromhaidh trí phróiseas de chruinnithe measúnaithe. Beidh foirceannadh fostaíochta le linn na tréimhse phromhaidh faoi rogha na hInstitiúide. Beidh leagan ciorraithe den nós imeachta smachta infheidhme maidir le fostaithe ar promhadh.

Grinnfhiosrúchán an Gharda Síochána

D'fhéadfadh sé a bheith riachtanach d'iarratasóirí rathúla uile páirt a ghlacadh i nGrinnfhiosrúchán an Gharda Síochána. Tabharfar treoir shainiúil maidir leis an bpróiseas sin ag an am iomchuí. Déanfar iarratasóirí nach gcomhlíonann riachtanais na hInstitiúide maidir leis sin a eisiamh ó bhreithniú don ceapachán seo.

Oiliúint Bhunriachtanach

Beidh ar an iarratasóir a éiríonn leis nó léi tabhairt faoin oiliúint chomhlíontachta bhunriachtanach seo a leanas: Ionduchtú, Sláinte & Sábháilteacht agus Cosaint Sonraí (RGCS), agus ní mór dó/di fianaise a sholáthar ar Oiliúint maidir le Cosaint Leanaí de chuid Tusla a bheith déanta acu. Seans go mbeadh gá le tabhairt faoi oiliúint eile má tá gá leis sin.

Admissions Office

Marino Institute of Education
Griffith Avenue
Dublin 9, Ireland.

T: +353 1 805 7752

E: admissions@mie.ie

www.mie.ie

www.tcd.ie

Tuarastal

An scála tuarastail bhliantúil reatha; €55,220 - €76,410.

Na hIarratais a Dhéanamh

Déan iarratas le litir chlúdaigh agus CV amháin (ní chuirtear aon fhoirm iarratais speisialta ar fáil), tríd an ríomhphost más féidir chuig careers@mie.ie nó tríd an bpost chuig:

An Oifig Acmhainní Daonna
Institiúid Oideachais Marino
Ascaill Uí Ghríofa
Baile Átha Cliath 9 (D09 R232)

Ní mór iarratais chomhlánaithe a bheith faighte faoi 5.00 i.n., Dé hAoine an 5 Aibreán 2024. Ní ghlacfar le hiarratais a bheidh mall.

Ní bheidh an Institiúid freagrach as costais ar bith, lena n-áirítear speansais taistil, a bhféadfadh iarrthóirí iad a thabhtú i ndáil lena n-iarrthóireacht.

Is fostóir comhdheiseanna í Institiúid Oideachais Marino.